

鄱陽縣志卷十五

人物六

列女三

烈婦

貞女

烈女

烈婦

元劉揖妻趙氏早寡不忍獨生以死從夫事聞命褒表元史

明劉璋妻藍氏璋溺死藍懷破鏡誓以死殉投水觸牆救而

獲免後竟縊死時年二十事聞旌表

山曜妻鄭氏鄭松女適山氏踰年曜卒慟幾絕欲以死從救

免其母覘其家寥落迎歸強受聘鄭乃給就浴室自緘其

裏衣易以初嫁時鞋投縊而死

江祐妻廉氏郡庠其介女也幼知書長適祐祐卒廉年十八

斷髮毀容不欲生父母止之遂終日閉戶雖至親罕覩其

鄱陽縣志

卷十五

列女三

烈婦

一

面後聞警慮身無所主決志死念母老發篋取簪珥遺之

時有解之者曰禍尚未迫死奚為廉曰苟迫矣求死其可

得耶作詩明志整衣束身從容縊於內寢

王某妻郭氏居四十里市聞警載舟避之兵掠舟被執鞭笞

其夫夫泣謂郭曰汝不從吾命絕矣婦給兵曰釋吾夫吾

從汝夫得脫郭度夫去遠遂躍入水兵挽其髻納舟中多

方懼之不從支解於提控汊

國朝陳某妻嚴氏戊子之難乘舟匿湖中土兵猝至嚴慮受

辱攜兒赴水死同舟十四口俱溺死

大學生胡肇鳳妻王氏同姑裴氏避亂具舟珠湖濱時水渴

舟不及發兵至挾之行王怒曰頭可斷足必不行強之投

於地者三遂刃其頂而死棄屍嚴家橋數日如生王氏乃

愍忠公址四世女孫也

庠士李開先妻胡氏年二十七開先歿遺孤方二歲同姑鮑氏避亂於土湖兵至登舟奪其子投之水胡遂望子所投處溯焉翼日母子相抱浮水面人皆異之

史乘古妻姜氏大司成姜金和女孫幼讀列女傳諸書及歸乘古克修婦道尤以孝見稱乘古官甯津偕之任旣而疆圉孔棘諸子請南旋姜執不可遂同處圍中卒全城而返戊子之變或勸爲趨避計姜答曰吾昔已辦此今後有塘前有井復何憂哉四月二十九日兵至率次男膺婦萬氏同赴井死

邑庠計雲崧妻毛氏遇兵劫之不從投菱池死

卽前姜氏甥婦也

邑庠羅欽相妻鄒氏避亂儒堂匿山中兵猝至持梃格鬪兵

鄒陽縣志

卷十五

列女三

烈婦

二

支解之

周繼曾板埠橋人妻李氏避亂山谷被獲不從兵怒碎其首而死越三日屍猶凜凜有生氣

上谷程洞妻胡氏乙酉五月兵將至諸婦竊議所避胡曰惟有一死耳及寇至傷其姑胡潛閉戶自縊死

威貢生黃裳吉妾程氏避兵油渡遇兵掠金帛已盡見程有姿色逼之登舟裳吉怒搏之見殺程遂躍入水死

陳某妻金氏永平關金以立女同父母避亂喬木灣見被獲婦女嬉笑舟中竊詈何不速死母合勿言答曰萬一不幸必不效彼爲父母辱後歸陳僅七十日遇兵掖之行不從兵怒刺腹洞背而死

邱學舜妻王氏遭亂夫婦擬遠避泊舟月波門兵忽至登舟

逼奪王氏不從投水死

方如珪妻黃氏碧山民黃雲樵女同方氏女避亂山中爲兵所執俱不從死時方盛暑越六七日髮膚完整久之喉間血噴起

庠生凌俊妻朱氏聞警預懷女投澹津湖時當盛暑越五日殮之顏色如生

北隅民查太初妻程氏孀居被掠將污之不從攜子勝祖投後園井中而死

邑庠生廉質妻包氏適質方兩載歲戊子質以起兵被殺包遂投井死年甫二十

樂亭里王治平妻朱氏甲寅之變倉猝避茅舍被寇掠欲污之氏抱一子方半歲疾奔投井死鄉人以烈婦名其井以

鄱陽縣志

卷十五

列女三

烈婦

三

舊志

馬之助妻胡氏明大司寇康簡公裔孫女戊子之變眾促氏登舟避難至某地邏舟四至迫氏過舟氏給曰吾過舟矣毋相拉爲也邏卒信之乘間躍入水死先是之助以數金予氏曰事急可贖命及翼日得屍裹金猶在手

曹六妻施氏年十八歸六未一月值甲寅之難夫婦避亂至程家溝賊突至強掠施氏欲殺其夫施誑賊曰汝縱吾夫吾從汝賊釋其夫氏伺夫去里許入林莽遂投井死後六尋見婦屍兩眼血出顏色如生

以上黃志

查乾敷妻汪氏生子逢泰二十六而寡時遺孤僅四齡姑復老疾家徒四壁氏忍死撫孤事姑以孝姑卒哀毀殯葬後有微諷以再適者氏聞憤激托孤母家遂絕粒而死死時

裹衣皆自緘貧不能殮越數日面色如生

大學生徐廷弼妻范氏夫死守節撫孤娶媳後因有讎以惡言者氏清操素勵橫遭污毀忿不欲生時適有刀在房乃紿其家人使外出取茶卽閉門自刎移時氣絕

程元兆妻劉氏事翁姑以孝生子甫二齡康熙甲寅之變土寇猖獗盡室皆逃僅婦在室有仇讎其獨居欲糾黨夜劫其家氏懼爲所污棄子於側決志捐生及暮賊至見氏死甚慘不忍傷其子事定元兆歸始收其子育之

何先喜妻孫氏年十七適先喜明年夫暴死氏自母家聞之號哭奔歸誓不獨生舅姑再四慰之閉守頗密越數日氏紿姑出外閉門自經距夫死時一月

李如松妻陳氏事翁姑以孝聞年二十夫沒鍼黹紡績以供

邵陽縣志

卷十五

列女三

烈婦

四

菽水未幾翁姑以哭子相繼卒氏哀毀盡禮竭力營殯葬畢曰夫前死時吾所以不卽死者以有翁姑耳今我職盡志畢亦從吾夫於地下耳遂衰麻赴水死時年二十二及殮顏色如生族人斂貲葬之至今稱爲烈婦墓以土甲申志

胡學源妻李氏生子不育夫病瘵數月臥牀不起氏躬侍湯藥衣不解帶及卒遂絕粒氏哭曰柩側無子安可使柩側無妻乎因或日一飲或再日一飲終不能下咽大慟曰死吾分也恨不克送夫歸土耳若吾夫不絕嗣死當瞑目遂後夫半月死族人以姪繼焉

胡國宏妻包氏素性貞烈國宏將逝語之曰吾死去留任意氏指天明志誓以必死越夕而沒氏哭之慟旣殮卽閉戶自縊

史可彰妻徐氏明義禮夫館外村夜有匪人匿房帷氏厲聲峻拒姑奔救得解遂憤激投繯死

邑廩周運浩繼室王氏年三十四夫亡無子氏痛不欲生水漿不入口雖旁人力勸終莫能解後夫半月卒繼姪爲嗣劉尙賓妻葉氏年二十四夫歿搶地呼天誓必同穴月餘絕粒死

黃得名妻王氏咸豐三年年二十四遇賊逼之抗志不從被殺

朱人德妻彭氏咸豐甲寅年四十賊牽之去氏罵不絕口賊斷其首

朱人旺妻潘氏咸豐甲寅年三十六賊突入其家氏持刀拒賊賊亂斫之

鄱陽縣志

卷十五

列女三

烈婦

五

楊尙然妻曹氏咸豐甲寅賊至欲污之氏罵以惡言賊殺之子往救賊又殺之

陳西岸妻曹氏咸豐甲寅年三十六賊突至強逼之氏罵賊被殺

段重吝妻英氏咸豐甲寅年二十七賊突至逼氏辱罵賊試以刀氏引頸就之賊先斫其身後斷其首

吳得聚妻高氏咸豐五年避兵鄉間遇賊逼辱氏抗罵不從賊殺之年三十四

程思義妻金氏年三十咸豐六年避賊山中賊大至欲污之氏厲抗不從賊忿痛撻之氏益憤罵賊以刃洞其胸

王士衡妻彭氏咸豐六年氏年二十一髮逆由線洲東掠氏倉卒遇賊恐其污辱抱週歲女孩自沈於河十一年同邑

翰林蘇輅以其事呈禮部

臧茂淮妻黃氏咸豐六年賊入境義不受辱罵賊不屈奪賊刀自刎

王有能妻和氏咸豐六年遇賊逼之投水死

吳宜脩妻洪氏咸豐六年賊至氏走屋後賊見其姿追之赴水死

彭瑞岐妻徐氏咸豐丙辰夫被賊擄艱苦自給辛酉賊大至氏挈二子逃避遇賊逼之不從二子環泣呼號氏恐禍貽二子賺賊至田澗投水死

徐式淦妻黃氏年四十二咸豐七年賊至鳳岡姦淫特甚氏逃避不及畏汚自盡

江顯福妻劉氏劉天籌女咸豐七年賊至度不能脫出投門

鄱陽縣志

卷十五

列女三

烈婦

六

前池中伯母張氏亦同溺焉

劉景新妻金氏咸豐丁巳賊竄鄉氏避不及攜子匿牛棚中賊搜出威脅之氏給之曰俟我東舍無人處賊先行氏逕奔土戶塘自溺賊救起氏以首觸柱死

趙聖增妻李氏咸豐七年遇賊強逼之氏怒罵不已賊刺其喉而斃

陳長壽妻汪氏咸豐戊午年二十八懷弱子避兵山中遇賊奪其子強逼之氏咆哮辱詈賊斷其首並子殺之

張保泰妻黃氏十九歲咸豐八年賊擄入營適橫溪張氏女亦被擄薄暮賊首踞上坐羣賊牽二婦至命之跪不屈賊謂張曰爾從余否張憤詈辱罵賊殺之以首擲黃前曰爾若不從以此爲例黃曰我不畏死爾奈我何賊又婉言勸

誘黃捧張頭大哭大詈遂被害賊退後二家迹得其尸面如生

彭建生妻陳氏咸豐己未年二十一賊至見氏美抱上馬氏大呼毛賊墜馬下賊又強扶氏以手拒之賊試以刀十指俱斷氏罵不止賊以刀刺口復斷其足半日方絕

呂氏但漢哲妻哲家貧業農而氏美咸豐十年賊至人多逃避氏荏弱不任奔走恐途中受辱遂於房中握刃以待以一手挽柱有四賊破扉入見氏美溫言曲誘氏厲色叱之賊拽其肩氏斫賊幾中賊怒叢殺之哲婦手猶未解口亦不殭時年二十四

劉存坦妻周氏姿美而性烈咸豐十年賊突至半港村見其貌欲污之氏急攜女投水賊大恨以鎗連刺之移時女呼

鄱陽縣志

卷十五

列女三

烈婦

七

號遇一賊以鎗挽二人髮繫水濱蓬上及賊退人救之始甦氏被十一鎗因是病悸死

陳東來妻曹氏咸豐庚申年三十六賊突至逼氏不從亂斫之

王正楷妻張氏年二十一咸豐十一年遇賊攜三歲子赴水死

邑庠黎景山妻張氏咸豐辛酉年二十一挈幼兒避亂金魚橋側遇賊欲污之峻拒不從賊以刃刺其手怒詈如故賊并其子縶之

胡遇友妻曾氏年十七咸豐辛酉於古田坑遇賊逼污加以白刃不從遂遇害八日尸如生

劉雲蒸妻徐氏守志撫孤咸豐辛酉賊至其家逼淫不屈赴

水死

王乾春妻吳氏咸豐庚申年二十二避兵都邑馮家壠賊突至見氏色欲汚之氏并力抱磨架辱罵不絕口賊怒殺之兩臂刀痕尤多

彭鳳祥妻徐氏咸豐十一年遇賊不屈赴水死時年二十九吳和轍妻余氏三十歲夫故矢志不二咸豐十一年避亂近里石門樓湖傍遇賊欲汚之誓死不從痛口怒罵被殺五日賊退始收尸面色如生

劉正克妻蕭氏咸豐辛酉賊竄鄉奔避不及執其翁鞭箠索銀錢氏赴門首塘中死

朱和盛妻嚴氏咸豐辛酉賊自樂竄鄱氏攜二子逃至車馬湖賊追至棄子投水死二子亦躍入水

鄱陽縣志

卷十五

列女三

烈婦

八

劉善明妻李氏咸豐辛酉聞賊至隨眾奔逃中途遇賊投水死

劉太原妻詹氏咸豐辛酉偕夫避賊山谷中薄暮夫出探賊耗賊獲之氏聞信號泣而歸遇賊於途赴塘死

祝興發妻陳氏咸豐辛酉年十八賊至逼之氏怒詈不已賊亂斫之

姚齋保妻葉氏同治元年賊入村大肆淫汚氏被擄不屈追以刃氏不爲動度終難免抱女投深水中數日後得尸猶有生氣

吳永蒸妻王氏同治二年避兵朗埠之汪家村村在水中賊用禾屨渡水淫擄最慘氏抱週歲子赴水死時年二十四韓惠疇妻周氏二十五而寡同治二年避亂浮邑湯家山聞

賊至眾皆竄氏獨坐危岩神色自若其子曳之行氏給之曰長髮在汝背子驚顧遂聳身墜崖而死

邑庠周世澤繼室方氏夫死家貧撫養二孤艱苦備至同治二年聞驚逃往珠湖賊突至氏登舟不及挈幼子赴水死郡廩劉孟璜妻陳氏平昔清貞自矢同治二年遇賊不屈赴水死

李元華妻吳氏同治二年遇賊逼之投河死

李章最妻萬氏年十九守節同治二年賊入其家欲污之罵不絕口被殺

英昌時妻吳氏年二十五守節同治二年遇賊劫之辱罵批其頰被殺

金大規妻葉氏同治二年逆賊入村氏自沈於水

鄱陽縣志

卷十五

列女三

烈婦

九

祝地應妻楊氏年二十夫沒守節家貧躬親力作誠敬事姑同治二年賊至強逼之姑媳相救賊殺其姑氏投水賊怒以長鎗亂刺之尸無完膚

英大和妻楊氏同治癸亥二十一歲遇賊眾脅之使去氏抱小孩同沈於水

陳邑明妻朱氏同治癸亥三十歲遇賊逼之氏指賊罵被殺

洪芳林妻胡氏咸豐辛亥年

十六乘船避亂至東木渡賊擄其舟氏自沈於河

陳茂祥妻曹氏同治癸亥四十歲賊逼不從碎其身

祝其親妻吳氏同治二年二十八歲賊逼迫不從被殺

徐百和妻陳氏偕子觀政媳石氏同治二年遇賊不屈舉火焚其室皆焚死

王紫垣妻查氏二十九歲守節於江家嶺大塘湖中遇賊并

媳張氏王聖脩妻暨穉孫齊赴水死

歐陽肇妻陳氏年二十九遇賊於四十里街賊奪其子欲污之氏怒罵被害

趙代行妻陳氏避賊山中賊突至擄其夫復欲污氏怒罵不絕口子生甫數月賊并殺之割其女兩耳女亦死

王義曉妻李氏年二十許避賊山中爲邏者所得欲污之氏以石中其顱賊怒割其鼻氏罵益急賊以刃穿其吭而死王貞茂妻汪氏避賊深山賊蹤迹強之行堅不可並子女縛歸幽之室中氏知不免密遣子出以刃自斷其喉賊恚甚并其女碎斫之

周英傑妻李氏年二十四聞賊至奔避行至梅源橋爲賊所迫強之行氏以掌批其頰賊怒斫殺之時酷暑三日後親

鄱陽縣志

卷十五

列女三

列婦

十

屬斂其屍面如生

計和從妻陳氏年二十六挈媳避亂兵追及劫之氏曰頭可斷身不可污與媳同冒刃死

陳以明妻趙氏年二十餘遇賊挾之行怒罵不絕口撻之聲益厲行至河邊奮身投水死

李恩誠妻歐陽氏年二十四生子甫四歲於山谷中遇賊迫之斥曰勿驚吾兒以兒付姑去遠大聲罵賊賊怒殺之

程通海妻吳氏性貞靜賊竄入村恐受污自沈深溪時年二十一

高常灼妻王氏與姑高彭氏同遇賊見賊殺其姑往救不及忿罵亦被殺

王學會妻張氏年二十一夫沒以死自誓水漿不入口父母

勸之曰有舅姑在何可死後雖間進飲食卒以憂鬱成疾去學會死五月嘔血而卒

李聲純妻汪氏同治癸亥二十一歲避賊北塋山陽賊搜得逼汚之大聲辱詈賊殺之於羅裙坂

陳茂發妻王氏咸豐辛酉二十五歲賊竄近村因夫病不能遠遁賊至恐爲所汚與夫泣別抱子沈於河九日賊退得其尸面如生

饒州通判王煊宇山西人妻 氏妾 氏煊宇卸事居鄱陽咸豐三年七月十四日髮匪竄饒煊宇以舟載家口於黃龍廟河畔賊至獲煊宇其妻與妾恐被辱抱十二歲兒王塋均赴水死

監生陳廷椿妻周氏職員周運澐女性溫和言笑不苟事舅

鄱陽縣志

卷十五

列女三

烈婦

七

姑以孝庶姑輩亦承順不失禮育一子尙幼夫得嘔血證五載不愈氏進湯藥佐飲食不稍懈年二十二夫故呼天搶地誓以身殉家人防衛之覓死不得因積憂成疾越數月卒

黃有林妻高氏板橋村人咸豐辛酉賊突圍其村氏懼辱先斃其二歲女孩自經死

貞女

明胡貞始大理少卿胡閨女名郡姐閨被刑姑方四歲在母懷抱中母縛發東市女墮地哭死稍甦母兄俱不見一卒提赴功臣家為奴餓病垂死不似人形功臣麾之老僕婦攜至突前昏睡夢父母哭至乳哺抱父母哭醒乃抱一貓同臥日藏柴草中夜深人靜取貓飯充飢冬拾棄初禦寒稍長取盃墨塗面髮寸即自剪經二十三年蒙赦功臣家不知為誰老僕婦始牽出廳送部同遇赦諸女流乞食南旋至饒見寡母王安人秉彝相持慟哭曰是夢否鄉人競以錢穀遺之時年二十六歲日夕與老母同寢處景泰五年故年五十六猶處子也卿人私諡曰忠裔貞始附祀父

忠烈廟福王時追諡孝貞

參英風紀異史秉彝書

鄱陽縣志

卷十五

列女三

貞女

三

朱氏名德字隆姬明宗室翊鉉女生而靜慧解讀書七歲時許字邑童張應選無何父卒無嗣姬奉母趙氏大母周氏居喪以禮年十九應選暴卒聞訃絕食欲殉母以二嫠無依及父未葬為諭姬始瞿然起喪之如婦禮及服闋有議婚者二母隱諭以意姬泣以死誓自是扃戶躬爨親屬罕覩其面暇則繙繹經史及醫卜諸書遇歲海饑拮据以奉二母已則衣麤食淡二母先後卒家雖貧悉力營葬事張氏姑垂老次男又故姬歲時餽養弗替及歿為經理喪葬時諸當事歷以貞孝獎之泰昌元年巡按陳于廷具實上聞制略云生本朱邸性自青霜未為張也婦而鸞影遂孤甘于母氏依而烏哺更苦羨蒼筠之植節既久洵蘭英之發韻彌馨行府縣建坊旌以貞孝云姬雖讀書能文然生

平不輕以字示人惟爲母作哀詞及手自楷書女教經一部付梓卒年七十二仝母葬芝山父墓旁

國朝朱貞女邑庠朱安女名良弟許聘郡庠徐愈子辰遠將嫁而辰遠死女遂衰經歸徐守志事聞邑令鄧士傑大嘉之以年未及旌不果題後二年而貞女死與辰遠合墓邑人士哀之記其事各弔以詩

貞姑李氏名閻餘干人大司馬頤四世女孫也十齡時故淮王涵玉聘爲世子由桂妃未婚值國變世子出亡依母守志三弟皆幼惟恃姑女紅以供晨夕未幾喪兩弟母亦繼歿姑以一女子經營艱苦或諷以他適姑正色曰非人類事柰何汚吾耳因泣下作金環詩以見志有紅爐經百煉不改本來貞之句姑性孝方母病革時刺血號天幾至滅

鄱陽縣志

卷十五

列女三

貞女

三

性又念父早逝每祭卽歔歔欲絕一日臨祭父主忽自動其誠感如此嘗避兵山中以七首自隨曰與我共生死者此耳其剛決又如此年六十四卒

王氏名淑姬舉人王用佐女年十九許字餘干舉人張潔次子我楷未歸我楷以鄉試得疾卒王俟父母喪葬畢歸張立姪方炯爲後撫之守節康熙四十九年建坊旌表

徐氏名六貞幼字余初行余家固貧將及婚期初行病天氏年十八間凶訃哀痛欲絕祭奠余門成服遂不復返卒年五十八

張氏幼許字吳鳴遠鳴遠病歿氏聞訃哀痛欲殉其母強止之氏遂詣吳門成服仍歸母家服闋再往親奠自是居母家十一年族人未嘗見其面嘗與其弟姪言曰我命最薄

父既早故兄嫂繼亡夫又早喪因母在暫與爲依今母年老又多病恐不久在人間吾將有吳門之適爾輩各宜自勉毋墮家聲母歿服滿歸吳撫姪承宣爲嗣守節四十年
雍正十一年建坊 旌表孫吳冠庠道光乙巳進士

劉氏義城劉士烈女許聘張邦憲年十九邦憲病故氏聞凶耗卽升樓雉經母覺奔救垂絕而甦遂請往奠邦憲父母哀其志許之成服後不復歸生平不近華服不輕言笑卽間歸甯比鄰諸父母亦不一過巾服履屐身後之物皆自裁製封固乾隆十四年 旌表

周氏幼字吳肇茂肇茂病故氏在室守貞舅姑垂老人門奉養以上黃志

貞女胡氏胡偉若女幼字金有璧未嫁而夫亡氏年十九聞鄱陽縣志

卷十五

列女三

貞女

十四

卽卽服縞素自矢靡他年三十適夫家寡言笑甘淡泊事舅姑以孝初有璧歿以姪振業嗣氏歸金後撫若已出金故衛籍振業運糧艘遭風溺於蠡左氏與媳胡氏紡績自給怨咨不形貞操益著媳無出撫姪孫殿茂爲子後氏年七十二卒乾隆四十七年 旌表

彭貞女作姑彭誠福女幼字史博儻未嫁博儻病故時貞女年十九自母家聞卽卽易衰經往哭一慟幾絕翁姑反覆慰之遂請於父母留夫家守節猶恐有奪其志者乃斷髮以自誓卒年三十四道光元年 旌表

王貞女王蔚章女幼許姚世鉅子歧華未嫁而夫亡氏聞之卽鬢麻而往留夫家守節氏年二十一姑難之氏截髮自誓躬操紡績以事姑菽水承歡後撫堂姪繁盛爲夫後

謝貞女進士謝元安女幼字浮梁侯家誨未嫁而夫亡時女年二十四聞訃卽衣縞素泣於父母前求祭奠父母從之女詣門撫棺慟哭卽承服治喪矢志不二姑素患痰疾飲食起居女侍奉弗倦及姑歿經營殯葬勞瘁毀瘠撫夫兄子晉封爲嗣婚娶始畢晉封又歿復立夫姪孫繼晉封後貧不能死師氏篝燈課讀卒年近七旬

洪貞女應姑洪步虛女年四歲爲儒堂山何氏養媳夫名長生十四歲夫病歿剪髮自誓性沈靜寡言笑夫歿後足不履外園隨姑勤女紅以度日翁姑歿遵翁遺命歸依姪洪志賢以居志賢亦苦貧養殮幾乏貞女歸後有蜂集其庭樹聚至數十桶割蜜售之賴以爲食歿後蜂皆散去殆天佑苦節也

鄱陽縣志

卷十五

列女三

貞女

五

史貞女驚姑史功載女年十九許劉渭子寬寬商遠方十年無耗渭以憂子卒寬隨亡貞女聞訃剪髮明志父目隨瞽侍疾八年未嘗離側剪髮後不復畜髮依兄嫂紀氏手皸巔秃佐嫂操作敝衣糲食終其身

鍾貞女萬邑太學生鍾汝南女年十二歸朱氏爲養媳年十六壻宏遂歿貞女大義自矢有死無二撫姪軒爲夫後躬親鞠養視若所生年三十一卒咸豐元年總坊旌表

貞女程廣泰妻陳氏陳斐然女幼字程肩仁子廣泰肩仁歿廣泰亦以疾卒氏聞凶耗撤環珥衣縞素夫族已無親屬與母同居誓死不二母歿依其弟媳紡績自給年七十九卒

方貞女新秀方壯女幼字胡景鎮子長生長生以病歿女素

服往弔一慟幾絕卽於翁姑前執婦道時女父早故惟孀
母王氏與一弟同居女不忍離歸母家守志未幾弟亡女
與弟婦何氏共侍孀母孝養無違居母喪與翁姑喪皆哀
毀逾禮年八十四卒咸豐元年總坊 旌表

貞女盧氏名聰榮盧光運女許字張孔文子如柏年十八如
柏亡女聞訃一慟幾絕往夫家衰服泣拜以死自誓仍歸
母家守節坐臥一小樓寢食弗下者三十年盧族宅屢遭
回祿火近女所居樓倏反風滅火年四十八卒於母家咸
豐元年總坊 旌表

貞女詹氏幼字魏作盛五歲童養夫家十八歲未婚而夫歿
女以死自誓終身不二以婦代子孝養無違翁姑歿哀慟
幾絕撫姪嚴官爲嗣年七十六卒 以上甲申志

鄱陽縣志

卷十五

列女三

貞女

去

王先容王繼春女幼字吳姓卽失怙翁姑亦相繼歿壻赤貧
食力遠方久無音耗吳族憐女許另適女聞之泣向母曰
女雖未入吳門然名分已定義可背乎母亦不奪其志因
吳氏無家可歸依母以處撫幼弟二紡績度日雖艱苦而
終不改操卒年六十五咸豐元年總坊 旌表

朱秀春女字胡天錫童養胡宅年十三未婚而天錫歿成服
後矢志守貞撫姪爲嗣旋天復立嗣自甘荼蘼百折不回
卒年七十一咸豐元年總坊 旌表

蘇道瑛蘇享五女幼習詩書以父母老欲終養不字享五莫
奪其志時有姪早失怙恃賴女教養成立使兄祀得以不
斬孝事父母始終如一卒年七十餘

程氏字吳人文幼歸吳養年十七未婚而人文歿哀毀不

生與祖姑同寢處椎髻縞衣足不踰閭年二十八卒

程氏郡廩程錫鼓女祖直幼官靖安訓導隨侍焉嘗集家人論古列女優劣女樂聽不倦遇節烈事輒動容咨嗟不已幼字舉人邱楮子翔雲未婚十六歲雲歿女聞凶耗欲奔喪父曰未婚奔喪禮所弗許弗令往女遂絕粒十餘日舅姑聞之迎往成服孝敬有加每先意承志寬舅姑思子念問寢視膳之餘勤紡績不輟病亟時以爲夫立嗣爲念適夫兄生子請於舅姑嗣焉年二十五歲卒同治四年禮部題請旌表

蔡蓮英蔡士純女字嚴眉福未嫁而福亡時年十七聞訃卽撤環瑱服縞衣矢志靡他居常坐臥一室足不出戶者五十餘年現年七十六歲豐元年總坊旌表

鄱陽縣志

卷十五

列女三

貞女

七

吳貞女玉姑吳儀宇女幼字程福元年十六未婚而福元歿痛哭誓以身殉父母力勸乃縞素守貞足不踰閭年四十四卒

烈女

唐程烈女德興場人唐肅宗時女之父兄為盜所殺因掠女去隱忍十餘年後以計脫告於刺史顏真卿捕獲磔於市女刳其心以祭其父兄宋程迥表之曰英孝程烈女書
元高明遠妻章氏章大明女明遠有大志倜儻不羣年二十以孝聞鄉里館於大明家大明深器之字以女時偽漢陳友諒聞其名辟之明遠不就友諒怒遣數十騎捕之至大明家氏年十八尙未婚匿明遠於地窟中騎徧覓不獲遂執氏氏紿之曰吾知夫所引騎故迂道行四五里許度夫已去遠遂大詬罵騎怒縛氏樹上射殺之明遠得脫去
明徐德八五女避亂見獲并其父母昇歸伍至籓箕橋母子俱墜橋死賊因弒其父并殺之

鄱陽縣志

卷十五

列女三

烈女

夫

李芳九女遇兵欲汚之不從遂碎其首於階下而死
張氏名玉貞陳方伯文衡女甥仍聘陳氏年十八隨父母避亂油渡為游卒所執殺其七歲妹以刳之終不從遂遇害小港民方思溪女年及笄遇亂兵掠之以手攀石不肯行且罵不絕口兵怒刃其手殺之手血著石經年猶鮮咸豐元年總坊 旌表

城北胡滿女及笄未嫁避亂胡家邊兵忽至拽之行胡堅不從乃怒刃其首數日顏色不變以上黃志

國朝周婉姑後山隊人許字拔貢胡成植子韭成植食貧以故婉姑長而未歸成植歿韭益困婉姑亦喪父母無兄弟所親謀鬻於人為妾婉姑矢死不從涕泣哀籲所親怒加惡言婉姑家去韭不遠欲待禮則韭力不能欲奔韭於禮

恥不備大慟數日投水死比出尸衣袴履襪皆手綫密縫
不解節錄史珥且存集原傳

烈女陳氏準弟太學生陳國謨女年十九族人調之不從羞
忿自盡乾隆五十三年 旌表

烈女洪顯鑾妻劉氏吏員劉安太女年十三許字邑庠洪均
子顯鑾幼嫻內則明大義事父母以孝聞友愛諸弟出於

性生顯鑾病故女年二十歲聞夫亡耗遂絕飲食以餓斃
距夫歿時僅十日卒時肝臟隨血嘔出見者泣下以上甲申志

吳飶香吳映虹女幼聞映虹談古節烈事意輒欣然有所會
字里中監生徐錫齡子日逢年十九將婚而日逢歿女請

於父母往奔喪限於禮不果往乃取所製扇袋荷囊寄以
人殮卽沐浴更衣登樓自經距日逢歿僅六閱時耳日逢

鄱陽縣志

卷十五

列女三

烈女

九

將死前一夕忽呼女至遣家人出迎羣以為嚙語不知女

之精誠已通也錫齡迎其柩合葬焉邑人士傳贊題詠邑
侯沈衍慶贈文序其首特詳請 旌道光二十九年建坊

程媀妹舉人程迓衡女字樂邑汪繼裕年十八將婚繼裕暴
卒女聞訃縞素涕泣水漿不入口者數日勸諭弗能解卒

自縊以殉

林少妹林篤英女咸豐三年避亂珠湖賊突至欲汚之女乘
閒赴水死

操烈女新義村人咸豐四年避兵珠湖黃村遇賊脅之以威
女憤罵不從被殺

彭賽嬌彭喜孫女幼字楊昭子年十四咸豐五年突遇賊脅
之上馬抗志不從賊斷其首首墜地躍十數步賊皆驚駭

張慶貞張聖御女字都邑余昌藻咸豐六年賊圍其村女恐被污赴水死家人求其尸不得半月後藻至而尸浮水面容貌如生

張烈女字李能恕年十七未婚避賊山谷中賊追迫之以死堅拒臨殺罵不絕口

趙金玉趙序鈿女幼字符新德年十八未嫁咸豐七年賊突至女隨父奔避度勢不得脫遂沈於河三日後得尸貌如生

盧愛秀盧萬貴女幼字孫林喜未婚而喜歿矢志不二年二十於咸豐七年家人賃舟泊絲毛咀不意賊突至遂爲所獲女被逼自投於河

徐西麟女年甫笄字許姓未婚而兵亂咸豐八年賊至鳳岡鄱陽縣志

鄱陽縣志

卷十五

列女三

烈女

三

女無所避赴水死

吳鳳秀吳應春女咸豐八年遇賊欲污之女大罵被殺

吳壽蓮吳禮官女年十五未字咸豐十一年賊突至其家百計誘之繼以威逼女拒益力賊怒亂斫之死

劉秀蓮劉其福女年十六於咸豐十一年隨父避難至樂邑陳家塢賊躡至自村媪家搜出始誘以服飾繼以刀刺其膊曰不從則死女曰死則死耳身不可辱遂被害里人憫之立碑紀其事

陳烈女陳啓後女幼字吳先和未嫁遇賊欲污之女厲聲罵賊賊斫殺之裂其尸爲四時年十六

徐烈女國學光烈女年十七避亂山中以賊逼脅赴水死數日面如生

吳美秀吳宗華女年十七同治二年賊至恐汚投水死
徐日旦女年十八避亂連塘背猝遇賊逼誓死不從賊怒殺
之

李烈女幼歸虞牛納爲養媳年十七未婚同治二年逆匪徧
擾村莊姑石氏老而瞽女扶持逃匿不及賊見其少艾強
擁以去行及河岸突自馬上躍水死

咸豐元年 旌表貞孝節烈彙建總坊姓氏其已登舊志者
於本傳下添註 旌表字其續經採訪有事實者亦另立
小傳註明 旌表其未經採訪及雖採訪而無事實者照
申報底冊列名於左

貞女

劉安泰女

節烈

胡允貸妻李氏

吳思熹妻程氏

方夢選妻吳氏

計至肅妻黃氏

劉日生妻范氏

陳思忠妻韓氏

張顯和妻雷氏

黃邦正妻岳氏

柯廷錄繼室徐氏

何景鈇妻畢氏

汪士俊妻胡氏

史信庵妻金氏

李德惠妻段氏

汪志鈞妻王氏

王光清妻劉氏

鄱陽縣志

卷十五

列女三

總坊

三

詹光倫妻江氏

王宜彬妻李氏

彭 露妻章氏

戎光遠妻戴氏

李士錦妻江氏

程志榆妻胡氏

張彩臣妻程氏

董思文妻江氏

胡紹已妻高氏

何國明妻畢氏

鄭士選妻李氏

何廷驥妻朱氏

胡彩紳妻李氏

周有餘妻何氏

楊茂生妻戴氏

金廣榜妻周氏

蔡河岐妻李氏

王世授妻詹氏

余天章妻程氏

戎光耀妻吳氏

金永興妻余氏

程秀偶妻徐氏

李華杰妻洪氏

張超益妻汪氏

何之衢妻詹氏

程立裕妻楊氏

王若虛妻余氏

吳仁風妻黃氏

李發元妻程氏

吳光恩妻程氏

楊高芬妻周氏

詹懇文妻陳氏

汪桓猷妻余氏

方懷珽妻查氏

金廣壘妻計氏

胡遵愛妻畢氏

王肇鎮妻李氏

李元瓊妻周氏

操夢禱妻李氏

張國雙妻徐氏

吳邦杰妻計氏

徐有來妻吳氏

趙耀先妻葉氏

吳一坤妻陳氏

蔡奉三妻吳氏

王鈞泰妻李氏

徐有彩妻虞氏

呂懷泰妻李氏

詹厚配妻程氏

胡遵熹妻余氏

潘一光妻吳氏

劉肇璣妻方氏

史經玗妻高氏

方懷瓊妻李氏

吳應掄妻計氏

高其宜妻王氏

李中孚妾董氏

詹應昌妻方氏

陳國義妻江氏

李恢唐妻曹氏

陳裕祖妻袁氏

徐桂馨妻洪氏

程挺然妻盧氏

周士孝妻王氏

嚴院觀妻周氏

金之濬妻段氏

李材煊妻劉氏

曹賢勳妻陳氏

胡慶五妻但氏

高大琬妻姚氏

張守裕妻盧氏

楊春妻任氏

鄱陽縣志

卷十五

列女三

總坊

三

查起妻趙氏

嚴克宏妻蔡氏

黃邦瑜妻石氏

程永鏃妻李氏

吳江龍妻余氏

汪允城妻嚴氏

胡國楷妻江氏

左嘉珦妻何氏

潘一佐妻吳氏

吳之華妻計氏

李士繡妻張氏

汪賜齡妻胡氏

高照見妻黃氏

王本蛟妻韓氏

詹繼皋妻吳氏

程正培妻王氏

皮茂輝妻張氏

王道統妻李氏

汪旭初妻金氏

周紹先妻高氏

徐宗光妻涂氏

方馥林妻胡氏

陳祚邦妻徐氏

徐義允妻陳氏

王邀妻聶氏

金大亞妻余氏

蔡士塾妻程氏

李廷嘉妻余氏

周雲驩妻程氏

李廷選妻吳氏

李載炳妻洪氏

石成鎮妻徐氏

余日拱妻徐氏

江邦樾妻計氏

戴居佐妻左氏

陳立性妻高氏

洪茂青妻夏氏

李壽春妻周氏

李載恭妻胡氏

吳邦鎰繼妻左氏

彭柏齡妻胡氏

胡吉爻妻歐陽氏

朱廷璋妾孫氏

陳九思妻周氏

王普瞻妻李氏

劉則榮妻胡氏

葉起域妻吳氏

程正峻妻彭氏

楊殿輝妻虞氏

劉光耀妻郭氏

李志雲妻江氏

蔡孰生妻李氏

潘一佐妾楊氏

胡廷驤妻朱氏

吳在鑽妻王氏

張邦盛妻程氏

劉光綬妻徐氏

程登舟妻劉氏

吳邦錄妻徐氏

吳登榮妻周氏

施宗錦妻史氏

王家光妻劉氏

程起棟妻葉氏

高益山妻王氏

陳元育妻任氏

劉虞書妻汪氏

張毅勳妻王氏

詹道懋妻高氏

李茂琳妻江氏

姜許貴妻胡氏

蕭錫敦妻何氏

嚴松林妻袁氏

鄧陽縣志

卷十五

列女三

總坊

三

程良駿妻陳氏

吳士奇妻王氏

于章旭妻程氏

劉發昌妻汪氏

胡克健妾蔡氏

于勳官妻徐氏

胡忠邦妻王氏

鄒承澤妻李氏

段德祥妻程氏

史偉廷妻施氏

李德煌妻戴氏

于章明妻馮氏

程和瑛妻劉氏

虞正安妻劉氏

陶光麗妻李氏

余鳴謙妻李氏

趙片鈺妻李氏

張俊惠妻馮氏

戴輔仁妻胡氏

王佩絃妻吳氏

高潤遠妻王氏

詹元裕妻馮氏

周雲駁妻劉氏

高萬東妻萬氏

趙宗謙妻陳氏

程超勳妻江氏

舒學蒼妻王氏

黃桂芬妻李氏

詹繩妻陳氏

周上元妻徐氏

吳子明妻余氏

李治妻汪氏

程玉潮妻黃氏

李勝造妻黃氏

方南奎妻黃氏

程洵妻胡氏

程元兆妻劉氏

何先妻孫氏

李君茂妻陳氏

胡佐政妻李氏

劉尙賓妻葉氏

張步雲妻徐氏

胡添顯妻程氏

程銘妻張氏

吳家傳妻李氏

張雨亭妻虞氏

徐克華妻余氏

萬昌歡妻馮氏

張家禮妻汪氏

汪惟本妻李氏

張惟品妻程氏

艾宗義妻朱氏

萬昌地妻吳氏

胡隆信妻劉氏

張惟道妻畢氏

姚裕泰妻謝氏

李載秀妻王氏

徐豪均妻潘氏

蕭士俯妻王氏

李華光妻曹氏

胡望妻張氏

汪希正妻何氏

周元第妻王氏

李長慶妻程氏

吳存价妻胡氏

程維紀妻劉氏

何觀瀾妻張氏

王勝華妻開氏

段烈瑕妻吳氏

吳之垣妻計氏

黃縉璋妾鄭氏

甯賜壽妻王氏

鄱陽縣志

卷十五

列女二

總坊

三五

吳朝鏞妻張氏

劉厯北妻金氏

吳翰勳妻張氏

張從質妻朱氏

呂行光妻程氏

吳功德妻鄧氏

曹作官妻程氏

李國堵妻胡氏

吳述善妻汪氏

劉士訓妻陳氏

蔡有名妻徐氏

洪式凝妻何氏

詹逢吉妻計氏

史經耀妻柯氏

徐乾德妻英氏

汪世延妻鄭氏

王綸妻吳氏

金映祖妻王氏

周澤望妻史氏

嚴存厚妻李氏

吳健也妻張氏

史亦德妻董氏

吳德瑛妻王氏

李朝柱妾許氏

謝文桂妻吳氏

劉應珥妻徐氏

鍾世根妻姚氏

汪廷坎妻余氏

吳邦鑾妻戴氏

徐許壽妻胡氏

鄒宗虞妻陳氏

吳樹芳妻王氏

曹賢松妻徐氏

陶勳晨妻林氏

朱天璧妻臧氏

澤壩妾戴氏

高行遠妻王氏

徐祥楨妻陳氏

李錫良妻戴氏

鄭於眾妻王氏

葉桐階妻戴氏

王配典妻汪氏

蔡盛智妻胡氏

干洪潤妻馮氏

詹君泰妻史氏

李公霖妻葉氏

余慎光妻趙氏

徐舒懷妻操氏

黃孟治妻程氏

查復隆妻干氏

張崇生妻虞氏

胡佐樞妻周氏

張華吉妻吳氏

胡佐丞妻盧氏

吳存向妻胡氏

汪洋妻朱氏

周亦濱妻王氏

陳啓璠妻吳氏

胡鋤妻程氏

程佩玉妻史氏

劉繼芳妻何氏

高仕奇妻王氏

盧定解妻汪氏

王軼羣妻劉氏

計光明妻高氏

張綱西妻王氏

閔炎妻陳氏

金乾仁妻余氏

黃懋瀾妻張氏

李本經妻周氏

朱吉祥妻吳氏

李肯堂妻范氏

鄱陽縣志

卷十五

列女三

總坊

三

范貴老妻蔣氏

金大佩妻干氏

祝克成妻劉氏

徐元審妻胡氏

戴貴春妻顏氏

徐孔阮妻張氏

徐允輝妻劉氏

羅春林妻林氏

劉輝妻余氏

蔡長壽妻胡氏

余宗連妻史氏

李能治妻范氏

胡東璧妻程氏

楊大川妻閔氏

程錫祐妻周氏

湯佐人妻李氏

高暄妻饒氏

張金斗妻李氏

周行志妻王氏

徐作周妻王氏

韓熨賓妻蕭氏

程祥齡妻張氏

程中央妻徐氏

程奕華妻張氏

沈興宗妻余氏

胡達謙妻張氏

李杰妻戴氏

夏嘉言妻詹氏

蔡傳燮妻湯氏

李福成妻嚴氏

黃孟潮妻王氏

金生爐妻余氏

吳彩麟妻高氏

余貴樣妻曹氏

任銑妻朱氏

吳存吾妻李氏

金丹書妻陳氏	周家韶妻徐氏	李有餘妻張氏
吳如山妻李氏	姜 偉妻葉氏	于章皓妻曹氏
王 炳妻張氏	徐石麟妻黃氏	任康侯妻王氏
余錫寵妻邵氏	姜彩雲妻江氏	鍾日省妻高氏
黎世遠妻王氏	姜許經妻程氏	姜許烈妻江氏
張則祥妻程氏	黃高發妻吳氏	王柘周妻余氏
余相喜妻程氏	王光前妻高氏	陳昌里繼室王氏

鄱陽縣志

卷十五

列女三

總坊